

शोभाराम जी की जीवनी,
दोहा कटे देवगढ़ कटे द्वारका,
कटे भगत भगवान,
बळता बागा ने जाय बुझावे,
पाछा पहुंचे ठाण ठिकाण ।
जय जय विश्वकर्मा जी का पुत्र लाडला,
आप री महिमा अपरंपार,
म्हारा शोभाराम जी महाराज,
आपने वंदन बारंबार ।

देवगढ़ में मांडावाडा में,
शोभाराम जी नाम,
प्रगटिया संत बड़ा
जनमिया भक्त बड़ा ॥

विक्रम संवत माही 1910 में,
भादवा रा महीना माही,
आनंद चवदस ने,
मेवाड़ मुलक रे माय,
आप रो मांडावाड़ा रे माय,
जनमिया संत बड़ा,
प्रकटिया संत बड़ा ॥

पिता दाऊ रामजी और,
माँ शायर बाई,
जांगिड़ सुथार जाति,
ब्राह्मण केवाई,
श्री विश्वकर्मा रा पूत,
हिवडे द्वारिका रो रूप,
जनमिया संत बड़ा,
प्रकटिया संत बड़ा ॥

गुरुवर समुंदर रिषी,
हिमाचल से आया,
सरवर का भोपा रा,
आसन जमाया,
पाई गुरुवर सु अब दीक्षा,
चाल्या जगत देवण ने शिक्षा,
जनमिया संत बड़ा,
प्रकटिया संत बड़ा ॥

द्वारिका रा नाथ रो,
बागो बळतो देख्यो,
पल में बुझवाय बैठ्या,
अचरज देख्यो,
होग्या काळा हाथ,
राणो पूछे बताओ बात,
जनमिया संत बड़ा,
प्रकटिया संत बड़ा ॥

खबर मंगार्ई राणो,

द्वारिका सु सारी,
भगता या बात साची,
बोले पुजारी,
राणौ जोड़े दोनों हाथ,
कर दी सब बेगारी माफ,
जनमिया संत बड़ा,
प्रकटिया संत बड़ा ॥

कर्मा री गत न्यारी,
पगल्या पूजावे,
उड़ जावे हंस पर,
भूल नहीं पावे,
पावे यश कीर्ति सम्मान,
पावे परम पद बहूमान,
जनमिया संत बड़ा,
प्रकटिया संत बड़ा ॥

अटल समाधि पाई,
मघसर छट ने,
भगता रा भाग जाग्या,
मेट्या संकट ने,
भागवत गावे चरणा माय,
सुरेश यो ध्यावे अंतर माय,
जनमिया संत बड़ा,
प्रकटिया संत बड़ा ॥

शोभाराम जी की जीवनी,
गायक भगवत जी सुथार ।

प्रेषक कृष्णा कांत जांगिड़ ।
96806 17837

Source: <https://www.bharattemples.com/shobharam-ji-ki-jivani/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>